

乾隆大藏經



# 乾隆大藏經



第三九册 大乘律(二)

菩薩地持經 八卷(卷六至卷八)

佛說梵網經 二卷

優婆塞戒經 七卷

寂調音所問經 一卷

亦名：如來所說清淨調伏經

大乘三聚懺悔經 一卷

佛說文殊悔過經 一卷

菩薩瓔珞本業經 二卷

佛說受十善戒經 一卷

佛說淨業障經 一卷

佛藏經 四卷

菩薩戒本經 一卷 出地持戒品中羯磨文附

菩薩戒羯磨文 一卷

菩薩戒本 一卷 出瑜伽論本地分中菩薩地

北凉天竺三藏法師曇無讖譯……………一

姚秦三藏法師鳩摩羅什譯……………七五

北凉天竺三藏法師曇無讖譯……………一一一

劉宋沙門釋法海第四譯……………二三五

隋天竺三藏闍那崛多及笈多等譯……………二五三

西晋三藏法師竺法護譯……………二六七

姚秦凉州沙門竺佛念初譯……………二八九

後漢失譯人名開元錄拾遺單本……………三二七

失譯師名開元附秦錄……………三四七

姚秦三藏法師鳩摩羅什譯……………三六一

慈氏菩薩說……………

北凉天竺三藏法師曇無讖第二譯……………四二九

彌勒菩薩說 唐三藏法師玄奘奉詔譯……………四四〇

同右……………四四七

- 佛說法律三昧經 一卷
- 佛說十善業道經 一卷
- 清淨毗尼方廣經 一卷
- 菩薩五法懺悔經 一卷
- 菩薩藏經 一卷
- 三曼陀魔陀羅菩薩經 一卷
- 菩薩受齋經 一卷
- 舍利弗悔過經 一卷

小乘律(一)

- 佛阿毗曇經 二卷
- 解脫戒本經 一卷
- 優波離問經 一卷
- 根本說一切有部戒經 一卷
- 佛說迦葉禁戒經 一卷
- 佛說犯戒罪輕重經 一卷

- 吳月氏優婆塞支謙譯……………四六七
- 唐于闐三藏法師實叉難陀譯……………四七五
- 姚秦三藏法師鳩摩羅什第三譯……………四八一
- 失譯師名開元附梁錄……………四九九
- 梁扶南國沙門僧伽婆羅譯……………五〇三
- 西晉清信士聶道真譯……………五一三
- 同右……………五二一
- 後漢安息國沙門安世高譯……………五二四

- 陳三藏法師真諦譯……………五二九
- 元魏婆羅門瞿曇般若流支譯……………五七三
- 劉宋求那跋摩譯……………五九七
- 唐三藏法師義淨奉制譯……………六二一
- 宋居士沮渠京聲譯……………六四七

漢隋唐錄并云世高所譯恐非

佛說戒消災經 一卷

佛說優婆塞五戒相經 一卷

十誦律 六五卷（卷一至卷三三）

後漢安息三藏安世高譯……………六五一

吳月支優婆塞支謙譯……………六五三

宋天竺三藏求那跋摩譯……………六五七

姚秦三藏弗若多羅共三藏鳩摩羅什譯……………六七一



菩薩地持經

北涼天竺三藏法師曇無讖譯



清刻龍藏佛說法變相圖

菩薩地持經卷第六

北涼天竺三藏法師曇無讖譯

方便處供養習近無量品第十六

云何菩薩供養如來略說十種一者身供養  
 二者支提供養三者現前供養四者不現前  
 供養五者自作供養六者他作供養七者財  
 物供養八者勝供養九者不染汙供養十者  
 至處道供養若菩薩於佛色身而設供養是  
 名身供養若菩薩為如來故若供養偷婆若  
 窟若舍若故若新是名支提供養若菩薩面  
 見佛身及支提而設供養是名現前供養若  
 菩薩於如來及支提憐望心俱歡喜心俱現  
 前供養如一如來法如是過去未來現在一  
 切如來法如一如來支提法如是一切如來  
 支提法作是念我今現前供養如來及供養

過去未來現在如來我今現前供養如來支提及供養一切十方無量世界一切支提若偷婆若窟若舍若新若故是名菩薩共現前不現前供養若菩薩於不現前如來及支提心念供養爲一切佛故爲一切如來支提故是名不現前供養若菩薩於如來般涅槃後以佛舍利起偷婆若窟若舍若一若二若多乃至億百千萬隨力所能是名菩薩廣不現前供養以是因緣得無量大果常攝梵福是菩薩常於無量大劫不墮惡趣無上菩提衆具滿足若菩薩於如來及支提現前供養得大功德不現前供養得大大功德共現前不現前供養得最大大功德若菩薩於如來及支提手自供養不依懈惰令他施作是名菩薩自作供養若菩薩於如來及支提不獨供

養普令父母師友親屬國王大臣長者居士在家出家悉共供養是名自他共供養若菩薩有少許物以慈悲心施彼貧苦薄福衆生令供養如來及支提令得安樂而不自爲是名菩薩他作供養自作供養者得大果報他作供養者得大大果自作他作供養者得最大大果若菩薩於如來及支提以衣食牀卧湯藥衆具問訊禮拜奉迎合掌熏香末香塗香種種華鬘妓樂幢幡繒蓋燈明種種讚歎五輪作禮敬遠右旋以爲供養無盡財勝財摩尼眞珠珂貝玉石珊瑚琥珀磗碼碯金銀赤寶左旋勝寶摩尼寶環懸以寶鈴散以金錢金縷圍遶施如是等寶是名財物供養若菩薩久遠於如來及支提以財物供養若多若勝若現前不現前若自作他作淳淨信



心現在前專精解心而作供養以是善根迴向無上菩提如是七種名菩薩勝供養若菩薩自手供養如來及支提不輕他人不放棄不懈怠至心恭敬不輕未學不亂心不染汙心不於信心國王諸勝人所現諂曲威儀求財供養不以雌黃塗佛形像亦不以汁而洗浴之亦不燒求羅香而以供養阿迦華等諸不淨物悉不用之是名菩薩六種無染供養若菩薩殊勝不染財物供養如來及支提若自力得若從他求若如意得彼眾具自在如意得財菩薩若化身若二若三乃至百千萬億身彼一身悉禮如來彼一化身化作百千手彼一手以種種華香供養如來及支提彼一切身悉讚歎如來真實功德饒益眾生產一切身皆以上妙衣服眾寶瓔珞

幢幡華蓋供養如來如是等名爲如意自在力得繫心供養不待如來出現于世何以故住不退轉地菩薩於一切佛刹未曾障礙故若菩薩不自力得財不從他求亦不自在力得而爲供養然於他眾生產若閻浮提若四天下若千世界若二千世界若三千大千世界乃至十方無量世界上中下心所作供養菩薩於彼一切供養以淨信心勝妙解心周遍隨喜是菩薩以少方便興大供養攝大菩提具是菩薩常等真實心可喜樂心應當修學彼菩薩少時乃至一搆牛頃於一切眾生產習慈心悲心喜心捨心於一切有爲行起無常想無常苦想苦無我想涅槃繫安樂想念佛念法念僧念波羅蜜乃至少時於一切法起少忍知離言說法自性如解脫離諸妄想無

相心住況復過上彼菩薩護持禁戒止觀菩提分方便諸波羅蜜諸善攝事方便是名菩薩至處道供養如來第一最上最勝無上如此供養比前財物供養百倍千倍乃至極算數譬喻不得爲比如是十事名菩薩一切種供養如來如供養佛如是法如是僧隨所應當知於此三寶作十種供養菩薩於如來所起六種淨心謂福田無上心恩德無上心於一切衆生無上心如優曇鉢華難遇心於三千大千世界獨一心於世間出世間法一切具足依義心以此六心少想供養如來法僧獲無量功德何況多菩薩成就幾行爲善知識有幾行善知識開導無礙復有幾行得善知識淨信住處復有幾行善知識調伏衆生爲善知識事菩薩有幾行習近善知識復有

幾行想於善知識聽受正法菩薩於善知識聽受正法復有幾處無有想念菩薩成就八事滿足一切善知識行一者善住律儀戒而不毀犯二者多聞現在覺悟三者得禪定修慧及餘止觀善根四者悲心哀愍捨現法樂廣化衆生五者成就無畏爲衆說法正念不失樂說無畏六者堪忍輕欺罵辱諸不愛言及諸惡行皆悉能忍七者無倦多思惟力爲四衆說法而不疲懈八者辯才巧便凡所說法言辭通利菩薩有五事如是一切種功德具足善知識善知識所作開導無礙一者先欲安樂衆生二者於彼安樂如實知之不顛倒覺三者若作方便隨順說法善能隨順調伏衆生有堪能力四者心不疲厭五者平等悲念一切衆生於上中下心無偏黨菩薩有

五事得善識淨信住處他聞歡喜況復現見  
一者威儀成就寂靜威儀具足威儀舉身齊  
整二者心常安住身口意業不掉不躁三者  
不諂謂不諂他故攝持威儀四者不嫉謂於  
他說法及得財利不生嫉心常自勸請令他  
說法若財向已勸與他人無諂僞心心常歡  
喜見他說法及得利樂起隨喜心如已所得  
五者以知足心少積眾具所得能捨菩薩有  
五事真善知識調伏眾生為善知識事一者  
語言二者與念三者教授四者教誡五者說  
法以是五事廣化眾生如聲聞地教授教誡  
廣說如力性品菩薩有四事親近善知識滿  
足一者若病不病隨時供養愛念恭敬淨信  
饒益二者隨時敬禮問訊奉迎合掌供養三  
者如法衣食湯藥眾具而作供養四者若依

止者如法隨作而不傾動如實而說隨時往  
詣請所應作菩薩於善知識所成就五想而  
聽法當作寶想以難得故作眼想得勝俱生  
智慧眼故作明想得俱生智慧眼顯示一切  
種如實境界故作大果福利想得涅槃道無  
上因故作樂無罪想現法不得涅槃道如實  
觀察止觀大樂無罪因故菩薩於善知識聽  
受經法於說法人有五處不憶念淨心專聽  
一者不念破戒謂不念言此犯律儀不應從  
彼聽受經法二者不念不性謂不念言我不  
從彼下性之人聽受經法三者不念醜陋謂  
不念言我不從彼醜陋之人聽受經法四者  
不念壞味謂不念言我不從彼不正語人聽  
受經法但依於義不依於味五者不念壞美  
語謂不念言我不從彼麤言說人聽受經法

如是五處不憶念已是菩薩勤攝正法於說法人不起嫌想若下根菩薩起人過心退不樂聽法當知是菩薩不能自度智慧退減云何菩薩修四無量謂慈悲喜捨略說菩薩四無量有三種修一者衆生緣二者法緣三者無緣菩薩安處一切三聚衆生已若苦若樂不苦不樂衆生欲安樂故作樂饒益想而修慈心周遍十方一切衆生意解想住是名菩薩衆生緣慈若菩薩起法數想法數衆生行觀而修慈心是名法緣慈若復於法離諸妄想而修慈心是名無緣慈如衆生緣法緣無緣慈悲喜捨亦如是若菩薩於苦衆生作除苦想周滿十方而修悲心是名爲悲於樂衆生起樂隨喜想周滿十方而修喜心是名爲喜如是三種衆生不苦不樂隨其次第起離

癡恚貪想周滿十方而修捨心是名爲捨若菩薩慈等無量衆生緣與外道共若法緣者與聲聞緣覺共非外道若菩薩無緣無量不共一切聲聞緣覺及諸外道若菩薩三無量當知樂想攝所謂慈悲喜三無量安想攝所謂捨一切無量名爲哀愍成就此者名哀愍菩薩菩薩觀察衆生界有百一十苦而修悲心云何百一十苦有一種苦謂一切衆生皆隨集苦以集苦無差別故又二種苦謂欲根本所愛念事變易生苦愚癡報苦極苦觸身而作是言我苦愚癡愁憂亦名二箭身受心受又三種苦謂苦苦行苦變易苦又四種苦一者合會別離苦從愛別離生二者斷苦從種類沒死生三者相續苦從無量生死展轉相續生四者終竟苦從不得涅槃者五盛陰

生又五種苦欲纏緣苦恚疑睡眠悔掉纏緣苦又六種苦謂因苦依惡道因因果苦生惡道故求財守護苦不足苦壞敗苦又七種苦謂生苦老苦病苦死苦怨憎會苦愛別離苦求不得苦又八種苦謂寒苦熱苦飢苦渴苦不自在苦自作苦謂尼乾等他作苦謂被手石刀杖蚊蚋等久住威儀生又九種苦謂自不具足苦他不具足苦親屬不具足苦財物不具足苦無病不具足苦戒不具足苦見不具足苦現在苦他世苦又十種苦謂食具不足苦飲具不足苦車乘不足苦衣服不足苦瓔珞不足苦器物衆具不足苦華鬘塗香衆具不足苦妓樂衆具不足苦燈明衆具不足苦男女給使不足苦初始苦復有餘九種苦謂一切苦大苦一切門苦惡行苦轉生苦不

隨欲苦違害苦相續苦一切種苦一切苦者若前因所起及轉時緣苦大苦者長夜種種無間大苦一切門苦者若地獄畜生餓鬼惡趣輪轉惡行苦者若現世犯他他還報已若食惡食令身不安如是種種自身現作還受其苦若住衆多不正思惟則生一切諸煩惱苦身口及心多造惡行於未來世生惡行苦轉生苦者有六事不決定起輪轉生死自身不定謂先爲王後及貧乞妻子不定奴婢給使不定朋友大臣親屬不定謂今爲妻子乃至大臣親屬已彼於後時在生死中反爲怨害及惡知識財物不決定者謂於生死中資財無量後極貧苦不隨欲苦者欲得長壽不樂短命惱苦生欲得端正不樂醜陋惱苦生欲爲上族不樂卑賤惱苦生欲得自在不樂

貧窮惱苦生欲得大力不樂少力惱苦生欲多智慧不樂愚癡惱苦生欲降伏彼不樂不如惱苦生違害苦者謂在家妻子滅苦出家煩惱增苦饑儉苦刀兵恐懼苦曠野嶮處恐怖苦肢節不具苦殺縛斷截捶打苦驅擯出外苦相續苦應有九種此中不說一切種苦者有五種如前說五種樂相違苦謂因苦受苦樂對治苦不斷受苦出家遠離寂滅菩提樂對治非家欲界和合覺想凡夫苦是名五苦又有五苦謂逼迫苦衆具不足苦四大增損苦失所欲苦三界煩惱穢汙苦是名五苦此五種及前五種略說十種一切種苦前五十五種此五十五種略說百一十種苦是菩薩悲境界緣彼悲心生修習增長成就滿足於彼大苦聚緣十八種苦生大悲心云何

十八苦謂愚癡報苦行苦所攝究竟苦因苦生苦自作苦他逼迫苦他作苦惡戒苦惡見苦本因苦大苦地獄苦善趣攝苦一切性苦無智苦增長苦受苦鄙穢苦復次有四行悲名爲大悲一者緣彼衆生甚深微細難知之苦而起悲心二者久遠長養於百千劫修習殷勤發悟緣生三者菩薩隨其發悟入於悲心爲令衆生永離衆苦故捨百千身命何況一身及諸財物四者悉能代受一切種苦出離快淨謂究竟地菩薩菩薩清淨及如來如來地清淨復次菩薩於此百一十種苦修習悲心則爲修習菩薩一切悲心則能疾得清淨悲心入淨心地菩薩於諸衆生極親厚想愛念想欲爲所作想不疲厭想代受苦想所作自在想非如苦諦無間等聖弟子究竟深

入狀離心相續生謂菩薩悲心前行觀百一十種大苦積聚菩薩如是修習悲心於內外事無有少分而不捨離無一律儀而不攝持無一他不饒益而不可忍無一精進而不勇猛無一禪定而不正受無一智慧而不得入若人問佛住何等住處名為菩薩應正答言住大悲者是彼一無量如前說於諸無量最為無量積聚攝無量愛果無量行一向純善無有罪過如是具足修習無量者有四功德利修此無量先得第一現法樂住無量功德具攝受增長於無上菩提淨心堅固為眾生故於生死中代諸眾生受一切苦方便處菩提品第十七

云何菩薩慙愧略說有二種一者自性二者依處菩薩行無罪行自覺非法內自羞恥是

名為慙以此非法故於他生畏恭敬羞恥是名為愧又羞恥菩薩性自專精況復修習是名菩薩自性慙愧依處者略說有四種若所應作不隨建立而生羞恥是名初依處所不應作隨順建立而生羞恥是名第二依處若為惡覆藏而生羞恥是名第三依處若自疑悔能自除滅續起羞恥是名第四依處是名依處云何菩薩不動力略說有二種一者自性二者依處能斷染汙心不令一切煩惱自在堪忍眾苦種種財利種種怖恐修正方便而不傾動性自寬忍性能思惟是故不動是名自性不動力復次菩薩不動力略說五種不動一者種種輪轉苦能速除滅二者所化種種眾生造諸惡行為是等故長夜受苦三者伏諸異論四者為諸大眾隨順說法五者

演說勝妙甚深之法能令菩薩具足受持一切禁戒云何菩薩心無疲厭有五因緣修正方便而不疲厭一者菩薩性自有力而不疲厭二者於不疲厭數數修習而不疲厭三者方便所攝精進勇猛自觀前後所修轉勝而不疲厭四者深利智慧思惟成就不而疲厭五者於諸衆生深起悲心常等哀愍而不疲厭云何菩薩善知諸論是菩薩於五明處名身句身味身從他所聞具足攝受誦習通利從他聞義善能思量如是菩薩知法知義於法於義已受不忘未修習者漸漸增進聞思究竟次第成熟得喜淨心菩薩如是行者無量滿足善知諸論而不顛倒云何菩薩善知世間是菩薩於衆生世間如實了知所謂生老死此沒彼生此衆生於生死出離如實了

知復次於衆生世間濁世增時如實了知離濁世增時亦如實知所謂五濁一曰命濁二曰衆生濁三曰煩惱濁四曰見濁五曰劫濁謂今世短壽人極壽百歲是名命濁若諸衆生不識父母不識沙門婆羅門及宗族尊長不修義理不作所作不畏今世後世惡業果報不修惠施不作功德不修齋法不持禁戒是名衆生濁若此衆生增非法貪刀劍布施器杖布施諍訟鬪亂詭詐妄語攝受邪法及餘惡不善法生是名煩惱濁若於今世法壞法沒像法漸起邪法轉生是名見濁若饑饉劫起疾病劫起刀兵劫起是名劫濁是名菩薩知衆生世間復次菩薩於器世間若成若壞如實了知復次菩薩於世間若世間集世間滅世間集滅道世間味世間患世間離如



實了知復次菩薩眼及色及俱生四大名士夫身名爲人無有第三言我衆生想無第三想言我眼見色乃至我意識法但是言說數言是長老如是生如是姓如是食如是苦覺樂覺如是長壽如是久住如是等言說分齊一切如實知菩薩於此衆生世間器世間入行觀察世間義世間第一義如實了知是故名知世間復次菩薩若見上座及勝功德者尊重奉迎設牀請坐合掌恭敬禮拜問訊年德等者正言訓對輒語安慰不起等慢稱量彼此年德下者隨力勸喻稱彼實德爲覆實罪不令恥懼生退沒心不輕慢彼若見衆生求法求財不背面不鬻感歡喜舒顏不嗤彼闕見彼地頓不起輕心若見一切上中下人先語問訊歎言善哉隨宜善處隨力所能攝

以財法不諂曲不自重不自高不自大不以增高而自矜異於諸親厚一切給與終不棄捐若病不病隨順身口意業與相習近爲善知識離諸怨對孤獨貧乞無所歸蔭隨其力能爲作依怙不以憂苦加於衆生因緣事起所應戲笑如法戲笑非不如法不以戲言形名他人乃至親密亦復不說於他人所不久瞋恨雖復瞋彼不揚其過若爲他人身口毀辱能善思惟以法自解自省已過心不躁動身口意業慮而後行離十四垢業謂隱覆六方離四惡友攝四善友如修多羅廣說現法樂義錢財具足勤力具足守護具足以正命心爲諸世間工巧之業不曲不幻不欺誑常有慙愧行無罪行威儀具足重慎威儀爲他親厚受寄不侵若負人債終不抵捍分文餘